



BYGG PROSJEKT AS
Møllendalsbakken 2A
5009 BERGEN

Referanser:
Dykker:
Vår: 16/979 - 16/11274

Saksbehandlar:
Benjamin Hicks
Benjamin.Hicks@lindas.kommune.no

Dato:
26.04.2016

Rammeløyve og delvis igangsettingsløyve for oppføring av tremannsbustad med garasje (bustad 41-43) - gbnr 134/471 Hilland

Administrativt vedtak. Saknr: 217/16

Søknadstype: Søknad om løyve til tiltak med ansvarsrett etter plan- og bygningslova (tbl.) § 20-1

Søknaden

Søknaden omfattar oppføring av rekkjehus i 2 etasjar med 3 brukseiningar og underbygget felles garasje med 16 biloppstellingsplassar, samt tilhøyrande installasjonar og anlegg.

Andre tiltak som kan vere vist på eller skildra i innsendte søknadsmateriell, har kommune ikkje teken stilling til og er ikkje omfatta av dette løyve. Det same gjeld tiltak som er nemnt i saksutgreiinga men som ikkje er nemnt i førra avsnitt.

Søknaden er handsama som rammesøknad. Søknad om delvis igangsettingsløyve er også handsama her.

Vi gjer merksam på at før løyve for ytterlare arbeider vert gjeve, må vilkår i rammeløyvet vere stetta. Dersom naudsynte løyve eller samtykkje ikkje er innhenta frå annen mynde ved søknad om rammeløyve, må dette ligge føre seinast ved søknad om igangsettingsløyve, jf § 21-5, første ledd, jf § 21-2, fjerde ledd.

Dispensasjon

Det er ein føresetnad for å kunne gje dispensasjon etter plan- og bygningslova § 19-2 at omsyna bak reglane det vert dispenses frå ikkje blir vesentleg sett til sides. Dei ulike reglane i planer har som oftast blitt til gjennom ein omfattande vedtaksprosess. Det skal difor ikkje vera ei kurant sak å fråvika desse, også for at planen sitt hovudføremål som overordna informasjons- og vedtaksgrunnlag ikkje skal undergravast. Fordelane ved å gje dispensasjon må vera klart større enn ulempene etter ei samla vurdering, jf § 19-2 andre ledd. Det vil normalt ikkje vera høve til å gje dispensasjon når omsyna bak reglane det vert søkt dispensasjon frå framleis gjer seg gjeldande med styrke.



Det er søkt om dispensasjon frå reguleringsplanføresegnene vedrørende grad av utnytting for oppføring av bygningen.

Omsynet bak grad av utnytting er å fastlå kor mykje av eigedomen kan bebyggast.

Det går fram av søknaden at dersom ein bygg ut feltet i samsvar med plankartet, vil samla grad av utnytting overstige TU=35%. Det er soleis avvik mellom plankart og føresegner.

Ved søknad for bustad 41-43 er samla utnytting opplyst til å vere %BRA=35,22. Dette er ein liten overskridning i forhold til plan. Dersom det ikkje gis dispensasjon vil ikkje delar av feltet bli utbygd i samsvar med intensjonane i planen.

Omsyna bak reglane vert ikkje vesentleg sett til sides.

Det er ei klar overvekt av argumenter som taler for dispensasjon.

Plan- og bygningsstyresmaktene finn på dette grunnlag at vilkåra for dispensasjon i pbl § 19-2 er oppfylt. Søknad om dispensasjon vert godkjent.

Nabotilhøve

Det er føreteke nabovarsling i samsvar med reglane i plan- og bygningslova § 21-3. Ingen merknader er registrert i saka.

Det er bedt om fritak for ny nabovarsling av naboar. Kommunen meiner at vilkåra for unnlatt nabovarsling er oppfylt i denne saka, jf. pbl § 21-3.

Plangrunnlag

Eigedomen er omfatta av reguleringsplan for Hilland Vest, del av gnr. 134 bnr 4, bebyggelsesplan felt 6.

Veg og tilkomst

Hovudveg, vegtilkomst fram til bueiningane og tilhøyrande utomhusområde skal vere ferdig opparbeid og plassert i samsvar med godkjent reguleringsplan før det vert gjeve bruksløyve.

Visuell utforming

Tiltaket har etter plan- og bygningsstyresmakta sitt skjøn gode visuelle kvalitetar både i seg sjølv og i høve til si funksjon og dei bygde og naturlege omgjevnader og plassering, jf plan- og bygningslova § 29-2.

Plassering

Plassering av tiltaket skal utførast i medhald av dette vedtaket og godkjente teikningar. For plassering gjeld toleransegrenser for områdetype 1 jf standarden "Plassering og beliggenhetskontroll".

Tiltaket si plassering skal koordinatutrekna, før utsetting av hushjørner på tomta.

Kart- og koordinatliste for ferdig plassering skal vedleggast søknad om mellombels bruksløyve eller ferdigattest, jf pbl § 21-10.

Tryggleik mot fare

I søknaden er det oppgjeve at byggverket ikkje skal plasserast i flom- eller skredutsatt område og at det ikkje er fare eller vesentleg ulempe som følje av andre natur- eller miljøforhold.

Vatn- og avlaup

Det er auka tömmefrekvens på eksisterande slamavskiljar. Slamavskiljaren er privat, men det er planlagt at den skal overtakast av kommunen. Offentleg vatn.

VEDTAK:

Kommunen gjev dispensasjon frå regulert grad av utnytting for oppføring av bygningen, jf pbl § 12-4, jf § 19-2

Kommunen gjev rammeløyve til etablering av rekkjehus i 2 etasjer med 3 bueiningar og felles garasje, samt tilhøyrande installasjonar og anlegg i samsvar med søknad journalført 18.03.2016, jf. plan- og bygningslova (pbl) § 20-1.

Det vert gjeve igangsettingsløyve for garasjedelen av tiltaket i samsvar med søknad om igangsettingsløyve datert den 31.03.2016.

Arbeid må ikkje utførast utover det som er omfatta av igangsettingsløyvet.

Løyvet vert gjeve på følgjande vilkår:

1. Ikkje noko arbeid må utførast utover det som er omfatta av løyvet. Eventuelle endringar må søkjast om og godkjennast av kommunen før dei kan gjennomførast.
2. Tiltaket må utførast etter tekniske krav gitt i byggeteknisk forskrift 2010.
3. Bygget skal plasserast i samsvar motteken situasjonsplan, med ferdig golv 1. etasje på kote 15,00.
4. Eideomen (bygget) skal knytast til offentleg vatn.
I samsvar med sanitærreglementet for Lindås kommune skal søknad om tilknyting og melding om utføring av sanitæranlegg sendast til kommunen si VVA-avdeling på særskilt skjema vedlagt turvande planar. Eideomen (bygget) skal knytast til privat avlaupsanlegg.
5. Eigaren av eideomen og ansvarlege føretak skal innordna seg reguleringsplanen med føresegner. Tiltaket skal utførast etter gjeldande reguleringsplan med føresegner.
6. Løyvet er gjeve på vilkår av at gebyr etter pbl § 33-1 er innbetalt.
7. Tiltaket må ikkje takast i bruk før ferdigattest eventuelt mellombels bruksløyve er gjeve, jf. pbl § 21-10.
8. Avfallsprodusent skal ved tilsyn kunne dokumentere ved kvitteringer at avfall er levert godkjent mottak som næringavfall. Gjennvinningsstasjoner for private husholdninger skal ikkje nyttast.

Før igangsettingsløyve for vidare arbeider vert gjeve må utslippløyve ligge føre, og auka kapasitet i henhold til løyve på anlegget må vere dokumentert & godkjent av forureiningsmynden. Eventuelle vilkår må vere stetta.

Før bruksløyve/ferdigattest for tiltaket vert gjeve må følgjande vilkår vere stetta:

Utomhusareal må vere opparbeidd og tilplanta i samsvar med godkjent utomhusplan/situasjonsplan. Uteareal mot regulert rundkjøring må vere opparbeidd i samsvar med plan. Kart- og koordinatliste for ferdig plassering skal vedleggast søknad om mellombels bruksløyve eller ferdigattest, jf pbl § 21-10.

Dette løyvet, med dei kart og teikningar det vert vist til, skal alltid vera tilstade på byggeplassen.

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjenvært.

Føretak som har fått avslag på søknad om ansvarsrett har særskilt rett til å klage over dette vedtaket.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Kopi av dette vedtaket, samt andre saksdokument, skal alltid vere tilgjengeleg på byggeplassen.

Ved all vidare kontakt i denne saka, ver venleg og referer til saknr.: 16/979

Ansvar

Tiltakshavar er ansvarleg for at byggverket vert oppført i tråd med føresegner gjeve i eller i medhald av plan- og bygningslova, jf. pbl. § 23-1, 2. ledd. Om søknaden er i strid med offentlege føresegner gjeld føresegnene føre løyvet. Vedtak etter plan- og bygningslova inneber ikkje avgjerd i privatrettslege tilhøve, jf. pbl. § 21-6.

Bortfall av løyve

Om byggearbeidet ikkje er sett i gang innan 3 år etter at dette løyvet er gitt, eller vert innstilt i lengre tid enn 2 år, fell løyvet bort, jf. pbl. § 21-9. Dette gjeld også dispensasjonsløyvet.

Avfall

Alt avfall som tiltaket fører med seg skal leverast til mottak godkjent av forureiningsstyresmakta.

Ferdigstilling

Tiltaket skal avsluttast med ferdigattest, jf. pbl. § 21-10 og SAK § 8-1. Ingen delar av byggverket må takast i bruk før ferdigattest eller mellombels bruksløye ligg føre.

Sluttdokumentasjonen skal vise at tiltaket er utført i samsvar med løyve og føresegner gjeve i eller i medhald av plan- og bygningslova. Om det er justeringar i tiltaket i høve til løyvet som ikkje krev søknad om endring, skal ansvarleg sjekke om ferdigattest sende oppdatert situasjonsplan og teikningar til kommunen. Ved søknad om ferdigattest skal sjekke om stadsfestet at høveleg dokumentasjon for forvaltning, drift og vedlikehald er overlevert byggverket sin eigar. I tiltak der det er krav om avfallsplan eller miljøsaneringsutgreiing skal sluttrapport som dokumenterer faktisk disponering av avfall leggjast ved søknad om ferdigattest.

Når det står att mindre vesentlege arbeid kan kommunen gje mellombels bruksløye for heile eller deler av tiltaket. I søknad om mellombels bruksløye skal sjekke om stadsfestet at byggverket har tilfredsstillende tryggleik, og sette tidspunkt for ferdigstilling.

Oppdatert gjennomføringsplan skal alltid leggjast ved søknad om ferdigattest/mellombels bruksløye.

Før det vert gjeve ferdigattest/mellombels bruksløye for tiltaket må følgjande ligge føre:

- *Ferdigattest/mellombels bruksløye for VA-anlegget.*
- *Ferdigattest/mellombels bruksløye for veg og avkjørsle.*
- *Avkjørsle til offentleg veg skal vere godkjent av vegstyresmakta.*

- *Rekkefølgjekrav i reguleringsplan skal være oppfylt.*
 - *Faktisk plassering av tiltaket må være målt inn, og koordinatar sendt kommunen.*

Med helsing

Siril Sylta
avdelingsleiar

Benjamin Hicks
rådgjevar

Dette dokumentet er elektronisk godkjent og har difor ingen signatur.

Kopi til:

ALVERSUND UTVIKLING AS

Fagernes 4

5043

BERGEN

Mottakarar:

BYGG PROSJEKT AS

Møllendalsbakken 5009

BERGEN